

國家圖書館古籍文獻叢刊

中國古代 茶道秘本

五十種

叁

全國圖書館文獻縮微復制中心



國家圖書館古籍文獻叢刊

中國古代茶道秘本五十種
(三)

全國圖書館文獻縮微復制中心

目錄

第一冊

出版說明	1 (1)
茶經 (唐) 陸羽撰	7 5
采茶錄 (唐) 溫庭筠撰	7 9
湯品 (唐) 蘇廙撰	9 1
煎茶水記 (唐) 張又新撰	1 0 7
水辨 (唐) 張又新 (宋) 歐陽修撰	1 1 9
述煮茶小品 (宋) 葉清臣撰	1 2 5
茶品要錄 (宋) 黃儒著	1 4 3
品茶要錄補 (宋) 黃道輔輯	1 9 1
本朝茶法 (宋) 沈括撰	2 0 1
鬥茶記 (宋) 唐庚撰	2 0 5
北苑別錄 (宋) 趙汝礪撰	2 3 7
新刻茶錄 (宋) 蔡襄著	2 5 1
大觀茶錄 (宋) 宋徽宗撰	2 7 3
東溪試茶錄 (宋) 宋子安撰	2 8 9
宣和北苑貢茶錄 (宋) 熊蕃撰	3 0 3
茶錄 (明) 馮時可撰	3 0 9
煎茶七類 (明) 高叔嗣撰	3 1 3
運泉約 (明) 李日華撰	3 1 7
煮泉小品 (明) 田藝衡撰	3 1 7

水品全秩	(明)徐獻忠著	361
品茶八要	(明)華淑輯	423
茶董	(明)夏樹芳撰 (明)陳繼儒補	431
茶董補	(明)陳繼儒輯	467
茶說	(明)黃龍德著	525
茶寮記	(明)陸樹聲著	537
陳眉公訂正許然明先生茶疏	(明)許次紆著	553
茶解	(明)羅廩撰	593
茶具圖贊	(明)茅一相撰	599
茶箋	(明)屠隆撰	629
茶箋	(明)聞龍撰	645

第二冊

芥茶牋	(明)馮可寶著	653
羅芥茶記	(明)熊明遇撰	669
洞山芥茶系	(明)周高起撰	675
茗笈	(明)屠本峻撰	683
茶譜	(明)顧元慶撰	767
茶譜外集	(明)孫大綬編	799
茶經	(明)張丑撰	817
茶經外集	(明)孫大綬編	831
續茶經	(清)陸廷燦輯	839

第三册

虎丘茶經注補	(清) 陳鑒 撰	1323
茶譜輯解	(清) 遵古 輯解	1345
茶史	(清) 劉源長 撰	1641
茶史補	(清) 餘懷 撰	1867
洗研烹茶圖	(清) 稼軒氏 撰	1891
芥茶彙抄	(清) 冒襄 撰	1911

第四册

種茶法	江志伊 輯	1925
製茶新譜	錢友蘭 輯	1965
西北茶史	葉知水 著	1995
日本製茶書	佚名 撰	2175
製茶篇	(日本) 高橋樹 編 (日本) 田谷九橋 譯	2197
茶事試驗報告	(日本) 日本農商務省農務局 撰 樊炳清 譯	2379
書名首字音序索引		2524

(清) 陳鑒 撰

虎丘茶經注補

武林 王 暉 丹麓輯

天都 張 潮 山來校

虎丘茶經注補

南越陳鑑子明著

陳子曰。陸桑苧翁茶經。漏虎丘。竊有疑焉。陸嘗隱
虎丘者也。井焉泉焉。品水焉。茶何漏。曰。非漏也。虎
丘茶自在經中。無人拈出耳。予乙未遷居虎丘。因
注之。補之。其於茶經無以別也。仍以注補別之。而

茶經注補

經之十品備焉矣。桑苧翁而在。當啞然一笑。

一之源

經茶樹如瓜蘆。

注瓜蘆苦枳也。廣州有之。葉與虎丘茶無異。但瓜蘆苦耳。

花如白

薔薇。

注虎丘茶。花開比白薔薇而小。茶子如小彈。

上者生爛石。中者生礫

壤。

注虎丘茶園在爛石礫壤之間。

野者上。園者次。

注虎丘野而園。

空陽崖陰

林。

注虎丘之西。正陽崖陰林。

紫者上。綠者次。筍者上。芽者次。葉卷

上。葉舒次。

注虎丘紫綠筍芽卷舒皆上。

補鑑親采數嫩葉與茶侶湯愚公小焙烹之。真作荳

花香。昔之鬻虎丘茶者。盡天池也。

二之具

經。簾。籃。筥。以竹織之。茶人負以采茶。注虎丘山下竹

人。竈。釜。甑。注虎丘杵臼。碓。規模。棧。承臺。礱。碾。注唐人即

同。今葉。茶不用。笊。筴。筴。以小竹長三尺。軀二尺五寸。柄五

寸。篾。織方眼。四者大小不一。以別茶也。注虎丘同。棚。一曰

棧。以木構於焙上。編木兩層以焙。注虎丘同。茶半乾。貯下

層。全乾。升上層。注虎丘同。弗。一斤爲上。弗半斤爲中。弗四

兩爲小弗。注弗一作穿。謂穿而掛之。虎丘同。育。以木爲之以竹編。中

有樞。上有覆。下有牀。旁有門。中置一器。貯煨火。令溫

熅然。江南梅雨時。燥之以炭火。

注虎丘同。

三之造

經凡采茶在二三四月間。茶之筍者。生爛石土。長四五寸。若薇蕨始抽。凌露采之。茶之芽。發於叢薄之上。有三枝四枝五枝者。選中枝。穎拔佳。其日有雨不采。晴有雲氣不采。采之。蒸之。焙之。穿之。封之。茶其乾矣。注與虎丘采焙法同。但陸經有擣之拍之。今不用。茶有千萬狀。如口人。犇者。蹙縮者。犂牛臆者。廉襜者。浮雲出山者。輪囷者。輕颺拂水者。涵澹然。此皆茶之精腴。有如竹籜者。其形麓

徒然有如霜荷者。厥狀委萃。然此皆茶之瘠老。自□
鞞。至於霜荷。八等。出膏者光。含膏者皺。宿製則黑。日
成則黃。蒸壓則平正。縱之則坳垤。(注)虎丘之品。真如
精粗存乎其人。

補黃儒茶錄。一戒采造過時。二戒白合盜葉。三戒入
雜。四戒蒸不熟。及過熟。(注)穀雨後謂之過時。茶芽有
楊柳柿。是爲入雜。

四之水

經泉水。上天雨。次井水下。

(注)虎丘石泉。自唐而後。漸以填塞。不得爲上。而憨憨

茶經注補

三

三

之井水。
反有名。

補劉伯芻水記。陸鴻漸爲李季卿品虎丘劍池石泉。
水第三。張又新品劍池石泉水第五。

夷門廣牘謂虎丘石泉舊居第三。漸品第五。以石泉
泓渟皆雨澤之積滲。竇之潰也。况闔廬墓隧。當時石
工多闕死。僧衆上栖。不能無穢濁滲入。雖名陸羽泉。
非天然水道。家服食禁屍氣也。

鑑欲濬劍池之水。鑿小渠流入崔澗。則泉得流而活
矣。李習之謂劍池之水不流爲恨事。然哉。

五之煮

經山水乳泉石泓漫流者。可以煮茶。

注陸羽來吳時。劔池未塞。想其

涓涓之流。今不堪煮。

湯之候。初曰蝦眼。次曰蟹眼。次曰魚眼。若

松風鳴。漸至無聲。

注蝦蟹魚眼。言釜內水沸之狀也。聲如松濤。漸緩則火候到矣。過此

則勿用膏薪爆炭。

注乾炭爲宜。乾松筴尤妙。

補蘇廙傳。湯者茶之司命。若名茶而濫觴。則與凡薺

無異。故煎有老嫩。注有緩急。無過不及。是爲茶度。

陸平泉茶寮記。茶用活火。候湯眼鱗鱗起。沫饽鼓泛。

投茗器中。初入湯少許。使湯茗相投。卽滿注。雲脚漸

開乳花浮面。則味全。蓋唐宋茶用團餅碾屑。味易出。今用葉茶。驟則味乏。過熟則昏濁沉滯矣。

經器用風爐。炭檣。鍍火夾。紙袋。都籃。漉水囊。瓢。盃。滌巾。

補錫瓶。空興壺。粗泥細作爲上。甌盞。哥窑。厚重爲佳。瓶壺用草小薦。防焦漆几。

六之飲

經茶有九難。曰造。曰別。曰器。曰火。曰水。曰炙。曰口。曰末。曰煮。曰飲。陰採夜焙。非造也。嚼味嗅香。非別也。羶鼎腥。

甌。非器也。膏薪爆炭。非火也。飛灘壅潦。非水也。外熟
內生。非炙也。碧粉縹塵。非末也。操艱攪遽。非煮也。夏
興冬廢。非飲也。〔注〕今不用末。當啖日
紙包甕貯。非藏也。

補陸平泉茶寮記。品茶非漫浪。要須其人。與茶品相
得。故其法獨傳於高流隱逸。有雲霞泉石。磊塊胸次
者。

陳睂公秘笈。涼臺靜室。明窓淨几。僧寮道院。竹月松
風。晏坐行吟。清談把卷。茶候也。翰卿墨客。緇流羽士。
逸老散人。或軒冕而超軼世味者。茶侶也。

茶經注補

五

夏長室

高淡甫八牋飲茶。一人獨啜爲上。二人次之。三人又次之。四五六人。是名施茶。鑑謂飲茶如飲酒。其醉也非茶。

七之出

經浙西產茶。以湖州顧渚上。常州陽羨次。潤州傲山

又次。蘇州洞庭山下。

〔注〕不言蘇州虎丘。止言洞庭山。豈羽來時。虎丘未有名耶。

補姑蘇志。虎丘寺西產茶。

〔注〕虎丘寺西。去劔池不遠。天生此茶。奇且手掌之地。

而名聞於四海。又奇。

唐張籍茶嶺詩。有自看家人摘。尋常觸露行之句。朱

安雅以爲今二山門山。本名茶嶺。今稱茶園。張文昌居近虎丘。故看家人摘茶。又可見唐時無官封茶地。

八之事

經吳志韋曜傳。曜飲酒不過二升。皓初禮曜。常密賜茶薺以代酒。又劉琨與兄子南亮。刺史演書。吾體中憤悶。常仰吳茶。汝可置之。

補鑑按茶經七之事。多不備。如王褒僮約。武昌取茶。許慎說文。茗茶芽也。張華博物志。飲真茶者少。鹿乳。